



UNIVERSITÄTS-
BIBLIOTHEK
PADERBORN

Universitätsbibliothek Paderborn

Eusebiu Tu Pamphilu Ekklesiastikē Istoría

Eusebius <Caesariensis>

Mogvntiae, 1672

XXXIII. De errore Berylli.

urn:nbn:de:hbz:466:1-14478

GORDIANUS.

εικοσι. & και μόνος εις τον παντα πεποιηται... Περσφην. γρομδρ... ο μικρδ προδεν δεδηλωμεν...

A in universum hunc Prophetam nihil scripsit. Interea cum Athenis moraretur, Commentarios quidem in Ezechielem absolvit: inchoavit autem expositionem in Canticum Cantorum, quam ad quintum usque librum ibidem agens produxit. Deinde Casaream reversus, opus illud decem omnino libris comprehensum ad exitum perduxit. Verum quid attinet hoc loco omnium hujus viri librorum accuratum indicem texere, cum id proprium opus desideret: jamque a nobis praestitum sit in libro quem de Pamphili qui nostra aetate Presbyter idem ac martyr fuit, vita conscripsimus. Ubi cum probare vellemus quantum Pamphili studium erga divinas literas fuisset, indices librorum tum Origenis, tum aliorum ecclesiae Scriptorum quos ille undecunque collegerat, exhibuimus. Ex quibus quicumque voluerit, certissime poterit cognoscere, quamnam ex Origenis Operibus ad nos usque pervenerint. Nunc vero ad historiae seriem redeamus.

ΚΕΦΑΛΑΙΟΝ ΛΓ΄.

Περί τῆς Βερύλλου ἀποστασίας.

С А Р У Т XXXIII.

De errore Berylli.

ΒΗΡΥΛΛΟΥ ο μικρδ προδεν δεδηλωμεν... Βοσρων της αραβιας Επισκοπος... τον εκκλησιαστικον παρεκτεστων κανονα...

Tunc temporis Beryllus de quo superius dictum est, Bostorum in Arabia episcopus, ecclesiasticam pervertens regulam, nova quaedam & aliena a fide Catholica inducere conatus est: ausus asserere Dominum ac Servatorem nostrum antequam inter homines versaretur, non substituisse in propria persona differentia: nec propriam sed paternam duntaxat divinitatem in se residentem habere. Cumque ea de re plurimi episcopi quaestiones ac disputationes adversus illum habuissent, rogatus una cum reliquis Origenes, primum quidem cum illo familiariter collocutus est, ut quamnam esset hominis sententia exploraret. Postquam vero liquido cognovit quid diceret, errorem ejus coarguit: alatisque rationibus ac demonstrationibus convictum hominem quasi manu apprehendens, ad veritatis viam perduxit, & ad pristinam sanamque sententiam revocavit. exstant hodieque tum Berylli, tum Synodi ipsius causa congregata edita monumenta; in quibus & quaestiones adversus illum propositae ab Origene, & disputationes in ecclesia ejus habitae, & singula quae tunc gesta sunt continentur. Sed & alia de Origene quamplurima

Huc refert Niceph. c. 22. l. 5.

